



UNIVERSITÄTS-
BIBLIOTHEK
PADERBORN

Compendium Privilegiorum, Et Gratiarum Societatis Jesu

Pragae, Anno M.DCC.III.

VD18 13723553

Communicatio gratiarum.

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)

COLLEGIA.

§. I.




Collegia Societatis possunt habere redditus. PAULUS III. pag. 3. & JULIUS III. pag. 10.

§. 2.

Collegiorum gubernatio est penès Generalem.

Omnimoda Collegiorum gubernatio est penès Præpositum Generalem. PIUS V. pag. 33. Collegia posse recipi, & simul atque constructa & dotata fuerint, auctoritate Apostolicâ erecta censerî; habetur verbo *Bona*. §. 1. & 2.



COMMUNICATIO GRATIARUM,
& piorum operum.

§. I.

Quas gratias communicem Præpositi inferiores.



Præpositi inferiores possunt de licentia Præpositi Generalis, communicare quibusvis de Societate gratias sibi

C 4

COMI

communicatas per Præpositum Generalem, vel Provincialem. JULIUS III. pag. 23. junctâ communicatione GREGORII XIII. de qua inferiùs §. 5.

§. 2.

*Omnia privilegia, &c. conceduntur
Præposito, & omnibus Societatis
æquè principaliter.*

Omnia privilegia, etiam speciali notâ digna, immunitates, exemptiones, facultates, concessionem, indulta, indulgentiæ, peccatorum remissiones, gratiæ tam spirituales quàm temporales, litteræque Apostolicæ, etiam justitiam, sive mixtim concernentia, etiam per modum extensionis, aut communicationis, aut aliàs concessa, seu concedenda quibusvis Ordinibus, Fratrum & Sororum Mendicantium, illorumque Congregationibus, Conventibus, & Capitulis, ac utriusque sexûs personis, ac illorum Monasteriis, Domibus, Ecclesiis, Hospitalibus, & aliis piis locis, conceduntur Præposito, ac omnibus Societatis personis, Domibus, ac Collegiis, non solum ad illorum instar, sed pariformiter, & æquè principaliter. Pius V. pag. 37.

§. 3.

*Nostri, Ecclesia, &c. gaudent omnibus
& singulis privilegiis, Mendicantibus,
& ali-*

*Et aliis Ordinibus, concessis; Et concedendis
dummodo Professioni nostræ
non repugnent.*

Per Privilegium, concessum Minoribus à Clem. VII. per Bullam, dat. 30. Maji. 1525. Incipit: *Dum fructus uberes: est* 2. in Bull. Regul. Nostri, Ecclesiæ, ac loca nostra, gaudent omnibus & singulis privilegiis, immunitatibus, exemptionibus, concessionibus, indultis, indulgentiis, quibusvis Congregationibus Ordinum Mendicantium quomodolibet concessis & concedendis. Gaudent præterea quibusvis facultatibus & gratiis, Nostræ Professioni regularis observantiæ non contrariis, aliis Ordinibus quibuscumque non Mendicantibus, quomodolibet concessis & concedendis, in omnibus & per omnia, perinde ac si Nobis concessa specialiter fuissent, & quidem per quoscumque Romanos Pontifices. Concessit Pius V. p. 37. & Ordinibus etiam non Mendicantibus, aliisque amplissimis clausulis. Greg. XIII. Minoribus per Bullam dat. 21. Mart. 1575. Incipit: *Ex benigna: est* 1. in Bull. Regul. & idem Gregor. Ordini SS. Trinitatis per Bullam, datam 18. Novemb. 1575. Incipit: *Regimini: est* 29 in Bull. Regul. Quin & quibuslibet Ordinibus Militaribus; etiamsi eorum specialis, & individua mentio fieri deberet, Gregor. XIV. Cisterciensibus

bus per Bullam, dat. 28. Jun. 1591. Incipit: *Romanus Pontifex*: est 3. ibidem. Et etiamsi per solam signaturam, aut vivæ vocis oraculo fuissent concessa, Greg. XIII. in Bullis proximè citatis. Pariter per facultatem Prædicatorum, Nos, Domus nostræ, Ecclesiæ, & alia loca, possumus frui omnibus privilegiis Mendicantium, & aliorum quorumcumque Ordinum, Congregationum, & Confraternitatum, Fratribus & personis, Ecclesiis & Monasteriis, Domibus & Oratoriis, & aliis piis locis per JULIUM III. suosque Prædecessores concessis. Concessit JULIUS III. Ordini Prædicatorum, per Bullam dat. 10. Jul. 1551. Incipit: *In Sacra B. Petri Sede*: & est 3. in Bull. Regul. Habetur etiam à Clem. VII. in Bulla suprâ citata; & à Gregor. XIII. Nostræ Societati. pag. 45.

§. 4.

Quomodo supradictis utendum.

Ut gratiis & privilegiis, de quibus in duobus proximè præcedentibus §§. mentio fit, uti possimus, opus est, nè Instituto Societatis, voluntati ac beneplacito Præpositi Generalis, seu deputatarum personarum refragentur, ut patet ex litteris PII V. pag. 38.

§. 5.

Omnia privilegia, &c. Generali concessa

*cessa intelliguntur, & ceteris de e-
jus licentia.*

Omnia aliorum privilegia, immunitates, exemptiones, facultates, concessionnes, indulta, indulgentiæ, remissiones, gratiæ & litteræ, Societati concessa, de quibus in præcedentibus paragraphis mentio fit, necnon & quæ ipsi Societati nominatim, vel ejus Præposito, aut personis, seu locis hætenus concessa sunt, seu in posterum concedentur; Præposito Generali concessa intelliguntur, qui illa per seipsum, vel alium, seu alios, ab eo, vel de ejus commissione electos, seu eligendos, quibuscumque personis de Societate, sub ejusdem Obedientia degentibus, & quæ in ea tria vota consveta, etiam simplicia, emiserint, communicare liberè poterit. Nec aliter ceteræ personæ Societatis prædictis privilegiis, facultatibus, & aliis præmissis uti aut gaudere possunt: illorumque usus juxta Societatis Institutum, Constitutiones, & morem esse debet. GREGORIUS XIII. pag. 45. & 46. qui postea vivæ vocis oraculo concessit, ut prædicta communicatio Novitiis etiam fieri possit. Habetur in vivæ vocis oraculis M. S. pag. 126. & per Bullam Sixti IV. pro Carmelitanis dat. 6. Kal. Dec. 1477. est 37. in Bull. Regularium in n. 84. & Julii II. pro Augustinianis dat. 24. Sept. 1508.

est 4. hujus Pontificis in eorum Bullario ;
cujus Originale servatur in eorundem Ar-
chivio Romano.

Hanc communicationem poterunt concedere Superiores Novitiis, sicut & ceteris.

§. 6.

Communicatio privilegiorum extenditur etiam ad vivæ vocis oracula.

Communicatio privilegiorum, quam Societas habet cum aliis Mendicantibus, ad ea etiam extenditur, quæ vivæ vocis oraculo ab eis impetrata, aut eis in genere donata sunt: & quidquid alicui eorum hoc modo, aut quovis alio hætenus concessum est, aut in posterum concedetur, id omne Motu proprio, & ex certa scientia, Nostris concessum etiam censendum est. JULIUS II. Augustinianis, per litteras in forma Brevis dat. 30. Jun. 1508. ut in Bullario Regularium post 22. Bullam hujus Pontificis.

§. 7.

Omnium bonorum spiritualium Religionum particeps est Societas.


Omnium jejuniorum, ac aliorum quorumcumque spiritualium bonorum, & piorum operum, quæ in omnibus Religionibus, ac ubicumque in toto orbe pro tempore fiunt, participes sunt personæ Societatis. Concessum est à Leone X.

Con-

Confraternitati Charitatis de Urbe per Bullam dat. 5. Kal. Febr. 1520. Incipit: *Illius, qui Charitas est*: estque 37. in Bull. com. in n. 5. Vide etiã V. Generalis. §. 7.

Sciãnt Nostri, per facultates hoc verbo relatas, non posse eos, aut loca ulla Societatis, uti quocumque aliorum privilegio, exceptis iis, qua hoc Compendio continentur, ac juxta modum, quo in eo communicantur: quod si in aliquo particulari casu aliquo alio privilegio uti oporteat, servetur modus in hujus Compendii prasatione prascriptus.

Vide verbo *Gratiarum usus*, & verbo *Generalis. §. 7.*


COMMUTA-
TIO.

§. I.

Facultas commutandi omnia vota, exceptis ultramarinis, &c.



Confessarii Societatis possunt commutare omnia vota, exceptis ultramarinis, & Petri & Pauli de Urbe, S. Jacobi in Compostella, Castitatis, & Religionis. PAULUS III. pag 7. quam facultatem cum eadem